

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Zakonodavno-pravna komisija

Broj: 02/2-02-573/16
Sarajevo, 16. 3. 2016. godine

DOMU NARODA
PARLAMENTA FEDERACIJE BiH

Zakonodavno-pravna komisija Doma naroda Parlamenta Federacije Bosne i Hercegovine na 8. sjednici, održanoj 16. 3. 2016. godine, razmatralo je:

1. Prijedlog zakona o izmjeni Zakona o izvršnom postupku –hitni postupak,
2. Prijedlog zakona o izmjenama Zakona o suzbijanju korupcije i organiziranog kriminala u Federaciji Bosne i Hercegovine – hitni postupak,
3. Prijedlog zakona o državljanstvu Federacije Bosne i Hercegovine,
4. Prijedlog zakona o izmjenama i dopunama Zakona o jedinstvenom sistemu registracije, kontrole i naplate doprinosa,
5. Nacrt zakona o izmjenama i dopunama Zakona o istraživanju i eksploataciji nafte i plina u Federaciji Bosne i Hercegovine,
6. Nacrt zakona o dobrovoljnim penzijskim fondovima,

U skladu sa članom 51. a u vezi sa članom 56. Poslovnika o radu Doma naroda Parlamenta Federacije Bosne i Hercegovine, Komisija podnosi Domu naroda sljedeći:

I Z V J E Š T A J:

1. Prijedlog zakona o izmjeni Zakona o izvršnom postupku –hitni postupak,

U općem pretresu Komisija je utvrdila da postoji Ustavnopravni osnov za donošenje ovog zakona sadržan u odredbi člana IV.C.3. Ustava Federacije Bosne i Hercegovine, kojom je predviđeno da se pravila postupka pred sudovima uređuju federalnim zakonom, kako bi se osigurala jednakost u postupanju i temeljni principi pravičnosti. Uzimajući u obzir da se ovim zakonom uređuju pravila izvršnog postupka u postupcima pred sudovima u Federaciji Bosne i Hercegovine, navedena ustavna odredba predstavlja ustavni osnov za njegovo donošenje, a što je sukladno odredbama člana IV.A.20. (1) d) Ustava Federacije Bosne i Hercegovine, kojim je propisano da je Parlament Federacije Bosne i Hercegovine nadležan za donošenje zakona o vršenju funkcije federalne vlasti.

Ustavnopravni osnov za donošenje ovog zakona je utvrđen prilikom njegovog prvog usvajanja i ovaj zakon je do sada više puta mijenjan.

Komisija ne podržava razmatranje i donošenje Zakona po hitnom postupku, te traži razmatranje Zakona po redovnoj proceduri.

2. Prijedlog zakona o izmjenama Zakona o suzbijanju korupcije i organiziranog kriminala u Federaciji Bosne i Hercegovine – hitni postupak,

U općem pretresu Komisija je utvrdila da postoji Ustavnopravni osnov za donošenje ovog zakona sadržan u odredbi člana IV.C.3. Ustava Federacije Bosne i Hercegovine, kojom je predviđeno da se pravila postupka uređuju federalnim zakonom, kako bi se osigurala jednakost u postupanju kao i osnovni principi pravičnosti pred sudovima a što je u skladu sa odredbama člana IV.A.20. (1) d) Ustava Federacije Bosne i Hercegovine, kojim je propisano, da je Parlament Federacije Bosne i Hercegovine nadležan za donošenje zakona o vršenju funkcije federalne vlasti.

Komisija ne podržava razmatranje i donošenje Zakona po hitnom postupku, te traži razmatranje Zakona po redovnoj proceduri.

3. Prijedlog zakona o državljanstvu Federacije Bosne i Hercegovine

U općem pretresu Komisija je utvrdila da postoji Ustavni osnov za donošenje Zakona o državljanstvu Federacije Bosne i Hercegovine sadržan u članu III. 1. b) Ustava Federacije Bosne i Hercegovine, kojim je propisano da su u isključivoj nadležnosti Federacije BiH poslovi državljanstva Federacije, a u vezi sa članom II. A. 5. Ustava Federacije Bosne i Hercegovine, u kojem je određeno da sticanje i prestanak državljanstva Federacije BiH propisuje federalni zakon.

4. Prijedlog zakona o izmjenama i dopunama zakona o jedinstvenom sistemu registracije, kontrole i naplate doprinosa,

U općem pretresu Komisija je utvrdila da postoji Ustavni osnov za donošenje Zakona o izmjenama i dopunama Zakona o Jedinstvenom sistemu registracije, kontrole i naplate doprinosa u članu III. 1. tačka c. koji je izmijenjen amandmanima VIII, LXXXIX i CVI i članu IV. A 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama, a Parlament Federacije BiH uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

5. Nacrt zakona o izmjenama i dopunama Zakona o istraživanju i eksploataciji nafte i plina u Federaciji Bosne i Hercegovine,

U općem pretresu Komisija je utvrdila da postoji Ustavni osnov za donošenje ovog zakona sadržan u odredbama tačke III. član 1. alineja i. Ustava Federacije Bosne i

Hercegovine prema kojoj je u isključivoj nadležnosti Federacije utvrđivanje energetske politike i u članu III. 3.(3) u vezi sa članom III. 2. i) Ustava Federacije Bosne i Hercegovine.

Članom III.3. Ustava Federacije Bosne i Hercegovine navedeno je da federalna vlast ima pravo utvrđivati politiku i donositi zakone koje se tiču svake od ovih nadležnosti. Prema odredbama člana IV. A. 20. (1) Ustava Federacije Bosne i Hercegovine, Parlament Federacije Bosne i Hercegovine u vršenju funkcije federalne vlasti nadležan je za donošenje zakona.

6. Nacrt zakona o dobrovoljnim penzijskim fondovima,

U općem pretresu Komisija je utvrdila da postoji Ustavni osnov za donošenje Zakona u članu III. 1. tačka c. koji je izmijenjen amandmanima VIII, LXXXIX i CVI i članu IV. A 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine (u daljem tekstu: Federacija) donošenje propisa o finansijama i finansijskim institucijama Federacije i fiskalna politika Federacije, a Parlament Federacije BiH uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti. .

PREDSJEDNIK KOMISIJE

Jasenko Tufekčić, s.r.